



幼學堂詩稿

壬戌冬起至
乙丑夏止

吳縣 沈欽韓 文起

贈涇縣包十五 世臣

卯角讀羣書雅尚破蝨局弱冠結朋儔私心鄙齷齪碌碌
三十年白眼空遐矚俗士際休明金門易廁足佔畢耗其
功聰明移所欲燕雀歛決起瞻顧笑黃鵠以茲襄慨慷宴
安寔醜毒天寒仰屋梁豈在升斗粟高軒盈尺地那許賈
生哭有客橫江來慘澹名臣錄紙窗掠酸風苔瓦射朝旭
腰間霜匣鳴握手古誼屬平生耿耿心相示重秉燭
君家傍秋浦箸書茅簷底突兀仰青山浩歌投筆起長揖

庾公樓揚眉驚國士荆蜀久苦兵百萬屯螻蟻林巒漲勝
霧白骨莽千里君時縛袴褶軍門擊馬箠翁歸文武材慷
慨惟所使孤虛畫杖成山谷聚米指憤激諸將詩浮雲塞
高壘空抱短長經拂衷呼行李且復懸寶刀報國終須此
天網恢八紘彈冠志彌切君數交遊間鬱鬱皆英傑回首
廣武原俊鶻思一掣頰眉現談笑指畫堪屈鐵決皆鬼膽
破吐氣星芒滅謂子非鄙夫聯袂成行列豈迂塊暑消頓
使心神折感激每自陳從容更有說生能讀萬卷死當明
大節志欲跨風雲操先厲冰雪古來急功名往往遭決裂
此心若不朽歲月任飄瞥裏哉二三子肝肺休內熱

董生負奇氣慘綠最少年清言霏玉屑不苟隨人肩君謂
發矧刃所目牛無全區區雕績才安足當劉鑄三人相視
笑各指滄浪天驚笳吹落月舞雪迷歸船每念范巨卿拜
母升堂前所期令惠勗久要莫忘旃黃河日浩浩巨防蟻
穴穿老蛟刺其牙狙伏流飢涎不如負長鑱清嘯破蒼烟
何以答清時孝弟與力田何以遣窮愁述作垂一編

題陳大

兆儲

芸樓看醉圖

量珠過一斛執蕙拓雙弓酒帶眉痕綠花迎燭影紅添香
金匝匝擁髻玉瓏瑤莫問銅壺漏高樓璧月中
嫩寒宜半臂薄醉試比肩話雨曾燒燭盟星更擘箋同功

裁女布續命佩男錢挾瑟高堂上迴身整翠鈿

仲春同張翰風黃小仲包慎伯董晉卿徐季雅家狎

鷗集胡元謹宅卽送慎伯歸涇

千里飛鴻尚未冥草堂夜指伍喬星青衫風雨思寒煖白

眼江湖雜醉醒客裏梅愁招翠羽夢中蘭笑隔銀屏卜鄰

倘許追王翰牙管雙移野史亭

時翰風慎伯圖卜居于吳

新柳

洞房回首又絲絲休唱旗亭古別離月小點衣光不隔燕

輕別院景能窺澹連芳草初生路淥比長眉學畫時正是

棠梨寒食節當年張緒黯人思

官司馬招同王仲瞿胡元謹黃古愚觴齋中牡丹

素娥呼不出怯與鬥明粧一角天應艷雙弓土亦香燒鐙

扶浩態帶露注清光此夕瓊枝裏飛來白鳳凰

陳氏宅中牡丹

蝦蟇衣綠雕欄東十枝五枝紫間紅春光爛漫惜不得穠

穉堆塚抽玲瓏晴絲舞天破宿霧朝霞墮地團輕風玉腰

鳳子破相觸打門拘折喧兒童自憐榮枯異植物寧忍開

落由天工罽樽張幄且一醉閒愁拚攪深杯中去年看花

人安在燕巢泥落淒房櫳昔年種花人更古瓦棺篆蝕埋

卒宮芳菲入眼真若窺野鳥啁晰思悲翁深松茂柏鬼所

愛豈復念此花一叢我今屈指到三十觀河往日顏難同
肆情繁華乃兒女感時有涕排蒼穹安得根株盡拔去閉
門抱甕栽早菘宵闌酒盡憤亦墜仰見明月摩青銅

初夏過無隱庵

竹借一龕綠雲留半榻温潭空窺鳥下閣小倚山尊午寂
延松籟春歸賸展痕樵歌招客起曳杖指烟邨

雨後至天平僧舍

巖峭濕雲流開軒颯若秋瀉泉落蘚破墜萼網絲留歸鳥
忽爭樹夕陽仍戀樓四山新翠好盡與錦囊收

湘雲曲

題國初女郎潘湘雲小影卷子

東風吹甦紅心草斑斕愁聽西陵道涼蟾吐娟寢不成
眼垂鸞對霜曉瑤階妝額透冰花琢碎春痕怨么鳥須管
一聲舞玉塵眉烟漸蹙青梅小撒珠郎遠口銜闕繚玉摧
燒歌決絕嬌魂終戀鮑家詩撇波唱到寒星滅膽娘綺窗
馬蹴裂秋眸一鬢寶刀瞥粉乾鳳子抱瓊枝唾盃拋盡景
陽血好把銅人清淚洗麻姑鳥爪復長幾金篝與蕤返魂
梅花房手接鱗雲起

贈袁

仁虎

著書何似錄奇方笑擲車前塵垢囊獄吏威曾鞭甯越市
人價早識韓康長鑱短褐迷山雪玄牝丹砂急鬢霜各有



填胸消未得三升酒後慨當慷

贈黃虞

赫連刀柙閱星文不使雕青年少聞學咬菜根來嚼鐵分
攜履齒李摩雲呼鷹臺上西風駛走狗塘邊落日曛君自
悲歌倦回首賞詩麟閣羨儂勲

初爍詣杲師院

出郭市聲閒鳴蟬亂客語秋原試稻花清颺吹白紵雲影
散經幢苔痕上藥杵古香登澗域夙契慙俊侶叢篠映須
眉淡若空山處瓶笙出清籟研池含宿雨禪悅盡忘言天
光發定宇還看鳥集掌白粥支鐺鬻清磬送斜陽歸路仍

殘暑

九月晦日官司馬

懋斌

招同胡

量

王

曇

倪

稻孫

徐

穎

齋中觸菊

朝光入戶乾鵲杲露華滿庭病蜨冒每思淒雨湫風過正
喜浮花浪蕊埽披衣逕欲約朋邀折簡何期許客造北郭
南園臭味同青猿銀鹿犇波告應憐肝肺太憂煎不惜醇
醲聊宴勞春憶河陽赤縣多秋還彭澤衡門到當筵煜爚
影移鐙促座參差語側帽傳延年共九秋心劉白墮知千
日好醉顏掩映暫生妍病骨支離誰競傲瓏璫餞指食單
蒸骨董鬻慙塵釜芼花邀笑口劇嬋娟客佐雄譚恣排莽

風微錦幃蕩珠塵霧重舞鸞扇翠鴉一聲驚雁帶邊笳萬
 片寒雲捲城燾停柝深念忽膺呼借箸良材但心禱金隄
 蛟蹴掉尾高邛山蛇據厲牙暴縱令王景善行隄猶恐韋
 堅難轉漕楊子院無網戶停河陰倉久雀鼠耗固知雁戶
 盡魚頭况有馬人慣狗盜時寶山縣良吏眼前推孟嘗重
被海盜
 臣班列夸周竈已把秋光爛漫酬那忘時事汎瀾報騷客
 無膠落蕊餐耆賢有福甘泉導移來籬下足清吟開傍戰
 場有深悼岑參詩遙知故園菊應傍戰場開却欣良會接風流自省狂言
 合驚懊更殘燈暗獨擁衾花影酒香疑在裏從前作賦憶
 苗肥此後題詩歎根倒

題寒燈課子圖

徐雲客婦李氏

孤鴈影不窺么弦聲不和采柏柏可餐汲井井母唾寒缸
 心共煎遺編淚應澆兒寒母復悲母悲兒敢惰纜急腸愈
 迴讀高腹寧餓百年晝燭身三冬短檠課貧女惜膏明山
 鬼矜燐大蒿牆殘焰閃湘軸清芬播令我孤露人掩燈悲
 無那

和女郎白真真蕪湖淨樂庵題壁詩

詩中自序言吳人住靈巖山麓

己字人矣淪落不耦同一老嫗將往潯陽友人涇縣包慎伯見其詩言之

才調前身是玉兒行波箋賦曉寒詩娉婷自悔深閨惜有
 福纔能嫁餅師

盧家雙燕到春歸身似楊花陌上飛不忘帷中新婦樣娟
行烟視送斜暉

帛闌船逐晚潮開霧鬢風鬟掩鏡臺夢遶采香涇上路長
年女伴踏青來

絳雲樓已劫灰過蕭寺吟詩斂翠蛾今日相如真犬子夫
君思莫若流波

弔虞山

中朝黨錮久齊名江左風流更主盟榻畔茶煙尋慧地鐙

前髻影倚新聲

張谷妾名新聲見羅隱拾甲子年事

良臣孟勝原求死國士

戎夷自惜生一樣埋憂吳祭酒至今霜月鑒淒清

呂氏春秋戎夷

謂其弟子曰我國士也為天下惜死

歲暮歎

歲暮歸來羣碎集家計將牢如束濕編菅補屋猶蕭蕭折

券主家仍戢戢母病腹府經旬眠妻孥環立窺囊錢苦言

藥餌無珍物若問薪蒸減爨烟兒嬌困向龍具卧覺來便

語阿耶餓搥牀橫索梨棗錢欲加嗔喝豈其過鹵莽此生

足悲咤古人自立非憑藉菽塗五載未松楸束髮他年要

婚嫁養生送死多乖裏靦顏何者稱鴻才挽衣出外打野

裡忽驚索責鐙火來東家涵削意氣驕犢鼻已換長鬢貂

管子立政篇百工商賈不得服長鬢貂

如椽蠟燭然深宵百萬一擲五木梟

書生偷暇寒窗裏二尺短檠課數紙

新年雜詠

拜年

吳俗元旦士女鮮衣靚妝搽粉作圓子拜年往親賓具酒饌相勸又以竹籌分狀元榜眼以下擲采勝為上

熏爐灰煖燭光紫連街爆竹開門喜闈中孽鏡插邊花厨
下注湯瀾圓子主人衣冠門簇新拈香先拜家宅神祖堂
灑埽瞻遺像鬆盤釘果長筵陳瓊瑜鋪地須賀歲老幼喧
闐擁肩背乞得兒童拜節錢奴婢顏開各有賚門前已報
親賓至咄嗟辨具皆霑醉更出骰盆返掬魚博得渾花知
吉利貧家寂靜飢雀窺柏子當檐樾不開惟願年豐无癘

疫要看雲氣何方來知交落落有幾輩紙閣蘆簾鎮日對
笑慰山妻翠袖薄齋厨早煮梅花粥

接路頭

吳俗於初四夜祀財神謂之接路頭吹螺擊鼓每至達旦即集親朋飲福比戶皆是

昔年送窮鬼今年接財神揶揄永絕迹利市常臨門家家
願得財神佑魚肉胙臊雜銅臭富者鼎俎貧盤殮終夜有
聲共奔湊富須積累同師氏貧要商量借車子願鑄橫財
三十鑪翩襪裘馬成丈夫主婦再拜語分明既願金夫金
滿籬遶床堆却渾不用與神守此同死生睢盱偵視神色
喜嗇衣節食方畀爾倡家亦出脂粉錢酒脯羅列彈神弦
麟趾裹蹠日一銜為神繡作緋袍鮮賺得宵終己果腹造

化小兒眉更蹙雄雞一聲白日高魚鱗萬眾爭錐刀

賽猛將

村氓各迎賽猛將彼此相遇不肯讓畔往往鬪擊又結綵設棚神坐於內邀他祠之神共飲語言酬酢皆人代之雖甚欵洽必紛爭而罷

東邨懸牛頭西邨爛羊胃小榆之月早經營新年始聽歡
聲沸東邨西邨各占祠紅巾抹額播殷地儀衛已同一字
王鼓吹仍是將軍例雜色打譚隨參軍尺八花腿來跳神
小兒膽碎婦色變指天畫地言神嗔銅角一聲逢兩隊赤
棒前驅早擊碎東西相持不相下土偶無言人喊啞社公
刺促主臣辭縛苜宵闌幾未罷紅旗一角颺前村菴廬懸
綵羅芳樽會首攔門長跽請舉觥強酬相紛犇牧童拍手
神已醉杯標對擲巾幘墜老拳毒手兩遭糜獸挈鳥竄空
好會莽將軍昔統背鬼摧勁敵今分鬼卒矜愚氓來秋短
狐害苗稼此神不靈乞彼神

鬧元宵

一色人家以擊鉦鼓打盆吹角為樂架放煙火謂之鬧元宵其聲聒耳客有造門者不應也

韭餅薦春盤油餛出翠釜滿堂飽食座圍鑪嘉興鑼鼓合
伎部搭羅火臂一丈白篾片承歡接新譜初疑救日食一
天鼎沸討妖孛又如催春茶千山雷動驚幽蟄直將九九
餘寒消歲朝先鬧連元宵遲回更作十番細雲鉦幽迴遂
淒戾嗚嗚篳篥馬前歛翻作將軍出塞意羊燈錯落瀉金

舫主人留客矜雄豪錦棚烟火西洋法鮫宮幻出星辰高
富家易過元宵景窮氓坐愁四壁靜方今聖世尚和鳴金
革噍殺非人情寂寞草元揚子宅夜闌惟有讀書聲

人日

約蹋青先羅鞵裁盼歸燕預畫簾開鬢邊風軟簪花勝樓
角霜消點玉梅午夢雙明心字篆春痕一碧錦紋苔上元
長是相逢節蠟淚西窗記撥堆

雨

遠渚烟昏引櫂開隔檐雲重壓山顏半牀書綠當窗柿雙
屐泥香滿地梅小疾每嫌吟暫廢長貧猶望客能來兒童

挑菜歸掀笠櫓柚鑪中煨芋魁

送顧庶常蕤入都

潞河新漲碧於烟好趁歸鴻到日邊草綠春衫侵遠道槐
黃席帽憶當年地居將相儲材始心在文章報國先多少
龐眉舊書客青山遙羨祖生鞭

懷人詩五首

吳編修雲

吳侯文章雄鞭叱到雷電燭闇虞淵升摧堅赤堇鍊隕丸
節鼓棹駛轅掉牛羈日已八代空心豈五都銜軫才循迹
求眨睫漫相睂輝輝綴浮萼霍霍被文練灑知泉逾瀼倏

若雪消現多憂髣早蒼長貧思愈絢長江呼酒澆高牙投
刺見載書常滿橐草檄不用研及登著作庭應直承明殿
詞賦動高聽才略擴遐眄捉塵恥清談借籌快曲讌悲歌
易長唸愁蓋難淺嚙澹薄俸頻請辛勤屋未奠翻思大被
周要令廣廈徧熏沐出現奇膏澤資盼倩古人勗相先小
爻忖已殿吹煦背浹續游揚耳殷瑱春夢隔渾河使星到
羅甸寒膠媿三折冰壺羨一片輕陰已釀雨餘寒復搏霰
鳴窗有敗葉語巢無早燕塵面侵慘掩愁心劇棘柵安得
重過庭良規起瞋眩

錢布衣 履坦

錢生老布衣長身望若鶴論事或頽唐嗜酒乃竦躍少年
業攻苦讀書不闕畧筆鈔牋生手程課杖捫腳經傳碧紗

幃

君族姊浣青夫人
通書史少嘗受經

劍拄青油幕呼月武昌樓長江杯底

落柳花撲征衫紅蠶飢曲簿忽憶采桑人清夢飛粧閣貧
遊足短气老大猶落魄詩書汨塵土錢刀窘囚縛登場輸
歡笑掩戶私驚愕壁立看家具軸轉仍旅泊昔年遇淮海
長日破蕭索沾唇沾鄮白點心漉不托簾紋籠方罨墨痕
滲輕削刺促憂愉陳慨慷肺腑託談深襍被留興發書窗
拓鵬然枝秋雲颯爾飄敗稔三年過金亭重繫青絲紵幡
風聽蕭寺檐雨動春酌澌澌隨逝波杳杳送行櫳鄱湖狎

幼學堂詩稿 卷六
輕驅匡山寧芳葯耦耕期穀芟孤鶩漫寥廓態狂其與幾
顏悴諒已各非無冠蓋交言甘味亦薄雲停元亮思雨違
仲宣約疎星點橫枝寒香夜深嚼

褚孝廉通經

褚大工談說決若昌樂瀧轉喉多嘲哮撫腹常脍肛元年
識子時盛氣兩不降短篋緒自緝弱髓鼎或扛鈔鬱獲白
粲隄防扞逆泮岷張中乾怯舌撓內省懣叩寂響必答尋
端言非哢旁人亡訾肩承睫所瞪眈促座拋敗塵檢冊呼
明釭專塲淬紫距全軍韜旆杠酬酢衷共愜得免老凜鏗
直道世多喪多聞子無雙汲汲於宦達驢背酸臄腔苦心

求一第偪仄廁大邦擾擾富貴兒胜臙解饒饗鰲臠如巨
象獬戾等驚龐子持斯道去渾流捲枯椿果然多齟齬一
飽惟竝躩又聞艱僕賃握槩下湘江炎土蹋葩屨急灘衝
蜚艘忽忽過三載蛛網冒書窗嗟余久玩愒恃誰發愚蠢
窮餓奔存喘雌伏不聞楚冷風旣拂拂昔杯亦淙淙鳥穀
理新哢童牧樵舊腔聯襪憶由敖發矢夸路躩野草披萃
尊古洞探崆峒日暝難覓徑露滑危度矸從子離香水嬾
復窺石幢俗情困顛頷得母傷敦龐挑鐙寄短韻伏枕蒲
牢撞

宋孝廉 翔鳳

宋生非老吃期期辨經史裴郎碧鸛雀魯連黃鷄子日噉
僅一器歲錄乃千紙東南祖鄭學朗月懸可指嗜古君更
專掇拾盈斐几披沙碎金燦嘗鼎禁臠美精心畧糟粕孤
詣窮原委哆口向老輩斂手無能訾古文復醇雅側篇亦
旖旎憔悴寄閒情要眇驚俗耳薄宦憶高堂白雲指越嶺
斑管貯香奩古琴攜翠被笑向比肩人烟煖武陵水覽鏡
篷窗推吟詩蘭漿倚野花發叢菁蠻歌集小市繫纜竹王
祠黔山半天紫屈指到明廷猿嘯六千里如何五兩遲猶
共輕鷗止落月對古槐春風送芳芷朋好多睽違生涯少
料理憶昨過草堂擁書百城比虛衷過自挹苦言每相示
寶珠入海探精騎卻畝靡汎濫迂自憊切近差堪恃苟非
所造深安得斯言旨惜君清癯質土風慎視履沅江泛桃
花尺素傳雙鯉

包秀才

世臣

干將寧補履金鏡那函食涇川有少年搔首悲失職八口
惴朝昏一身頓南北慷慨論遠猶從容道遺直旁人應且
憎吾子爭猶力舉杯耳私傾啖肉口期塞仗氣空睥睨策
慮終膈臆佩韎假麟援處藩披隼翼肥家固本懷免臯聊
強飾資淺馳聲譽位高守慎默仰屋雖隱憂保身僅庸德
誰將政本書一爲陳皇極抑抑向風塵慘慘持顏色錐刀

有訾讐菰蘆共悃悞毘陵固多才子交盡英特淹留歷裘
葛抄撰費紙墨盤飡惠可推橐褫力鷄得倚閭母附書拚
閨妻嘆息庭槐鳥換巢篋書蝨半蝕惟有故牛衣淚痕應
可識料知四壁靜飢寒聲啾唧不歸旅夢驚欲歸生計逼
磊落子何傷蒼茫天不測百斛置困中萬卷羅座側益探
往古秘堪今後世式霸畧嗤蜀才時務笑崔寔聰明豈多
遜顛躓何太刻區區造物忌一一吾儕嗇江干細柳黃江
外浮雲黑花聚征衫圓樹隱歸帆直故園筍發時明月兩
相憶

黃孝廉

成

戲作寒宵破寂圖屬同人分詠得火箸風

爐扇子二首

熾炭覘茶熟沾薪拾芋香竈觚籌得失鼎耳附炎涼炙手
持還急灰心撥更揚相思閒畫字明滅總難忘
本異齊紈裂聊分鼓鞴功垢癥何日洗香汗昔時融小扇
童奴焰輕招少女風竹爐灰燼後撲蜚向牆東

宮怨

初月當階獨自看期門何處御金鞍紫宮自有雙飛侶鸚
鵡簾前莫道寒

戲贈胡元謹以佩刀易酒

百金龍雀響連環擬刺飛泉踈勒山解贈征鞍星厯厯夢

幼學堂詩和 卷六
迴破鏡月彎彎朱門長鉞彈人切白首毛錐供爾閒一任
千牛齋帥佩早攜雅觥入雲關

展上巳日放春近郊

市斷青旗小山凝翠幄深一江遊子夢雙燕美人心卻扇
花香襲湔袞草色侵交衢看舞馬蹀躞背城陰

有贈

裘栖蛺蝶髻承鸞璧月瓊枝共夜闌索賦錦鞵酬細步踏
青時節喚儂看
生來記曲侶流珠襖飾颺菁蹋錦瑜誰作細腰宮院子綵
雲舞罷要人扶

促座紅輪帔角開雙蛾追綠到深杯書生想在芙蓉鏡消
得花光四照來

催動蘭橈未解醒畫船簫鼓幾陰晴叢鈴碎佩關清夢葉
葉梧桐作雨聲

苦雨雜感十首

積雨疑天漏檐聲碎客腸酒清浮蟻白麥爛出蛾黃屈指
看塵釜驚心臥壤牆料知小兒女戲縛埽晴娘

老母仍扶病漚麻夜翦燈天陰知骨痛地濕怕痰蒸對案
猶糟食懸桁少故繒課晴并問雨只欲望年登

山妻百事拙風雨更悲歎牀漏推兒起書霉檢蠹安十年

敗絮擁四壁舊題看念我吟孤館燈昏曙鼓殘
那望禾三變新秧藻荇埋林原驕黑蜮村落沸青蛙伐竹
朝穿鴟烹蔬夜藝稽老農相勞苦何計是生涯

縱把孝經課難消狼顧心肯哇狐父飯恐發葛盧金所幸
宮鄰秦猶愁伏莽深九疇初政急不必患淫霖

近聞瓠子塞漕輓慶銜艫北戒長淮拒中原列郡輸商羊
休更舞白馬已頻屠矯首茅檐底高歌一腐儒

瓜蔓卷渾沔長波撼成樓纜船高似屋擁褐冷於秋萬瓦
聲九放孤檠焰自收酒杯還屢空何以答清愁

朋好斷來信卷簾睥睨高老魚橫鬣上怪鳥攫枝號下莞
惟尋睡奇觚那用操生憎遶屋樹風動益騷騷

滴瀝空階寂三淵尚守星鐘聲遲上月竹色淡流螢細溜
方穿徑跳波忽打萍朝來拄頤坐八表又冥冥

直欲蘆灰邊須憑社鼓敲壕寬投石燕山靜走神蛟瓠倩
胞人煮魚尋谿爰包遙憐子桑戶裹飯待朋交

重苦雨雜感十首

厥罰何常雨山雲觸石多縱然稱澤國未可倒銀河比舍
連牆塌通衢踏浪過驚心三伏到猶自勢滂沱

積水堂坳上吳儂軟腳愁山看圍蜃氣人擬戴魚頭負郭
炊懸釜何方糴汎舟海隅全飲啄寬大是良謀

攘臂羣思逞搜牢富室殘頻聞枹鼓發那怕惠文彈此輩
終爲盜平時尚畏官急須投虎穴創艾庶能安
自幸無儋石猶愁挺白徒明廷多盱食思次罷晨趨懸磬
民情急褰帷吏治須早將荒政議五馬漫踟躕
鷓鴣鈴聲接萑苻聚此曹星沈魚鑰動風急雀環高役苦
追胥作亭宜游徼勞長生兵尚熾直恐掩城壕
晃眼湖波闊平疇水沒臍半扉縈敗網一柳界橫隄策犢
城東賣驅雞屋角栖近聞平米價老幼暫提攜
又說金隄潰魚山逆折平陸沈千里勢邪許萬人聲慘黷
窺天意恬娶累俗情虎符如可發賈魯亦名卿

浪說江東價難辭道路言旅師行斂野市令坐當門積穀
空張額開倉已感恩天困星似乙和糴更誰論

白日街彈急清宵大鑿長傳呼長吏沸奔命剩員忙什伍
奸休匿鄉亭警更防犀渠并鶴膝比戶要分張

歲歉休賒酒才疎更讀書踞林鳴土鴨探篋走衣魚尚論
兼歌哭全生任毀譽不知雲漢詠掬爪望何如

時京師旱
上躬

詣黑龍
潭禱雨

舟泊龍潭

舵樓飯訖倚餘醺萬柳迎風織水紋一段斜陽篷背掃青
天未肯抹微雲

草屋如瓢覆水湄纔收雨腳紵衣披西山猶把殘霞妬遲
放松林月半規

短笛橫吹露濕衣篷窗不寐待朝暉瓦盆賸有蘭陵酒趁
醉留題燕子磯

金陵懷古十首

鍾山形勢壓朱方玉兆祥開策子綱望氣秦人空虎視橫
江晉代亦龍驤紫髯末路神書出青蓋何年蕢菜坑三百
餘年開霸國白門眞慣送降王

五馬南來又帝京神州戰鼓迴無聲登牀相自推王導掘
冢人猶恨顧榮幾輩權臣移枉矢百年孱主醉長庚卞侯

廟貌終千古獨聽江潮打石城

山色新亭碧四圍樂遊會此載春旂田園猪鼻車猶在羣
屐烏衣巷已非閭外刀光驚慣見關中旆影惜輕違槐風
松霧羣官淚贏得立宮宣貴妃

羹火樓看露布馳鴻溝舊宅笛橫吹驕嘶赤馬清宮日噩
夢金鸞搏殿時湖埭幾迎仙仗遠寺鐘剛動曉妝遲絲絲
閱武堂前柳不負東昏是玉兒

臺城近接冶城樓嗚咽青塘水不流腰漫十圍減革帶身
緣一夢缺金甌板橋果馬江無畏水閣箏人盧莫愁忍取
哀江南賦讀檐鈴合作白楊秋

擊柝聲聞戰壘多覆舟山喜奏饒歌不歸庾信陪鷓鷯未

死王琳張鶴鵝玉樹何能消王氣靚粧那可執干戈用伐陳詔

中山陵不及胭脂井璧月年年影翠蛾武帝陵為王頌發張麗華墓有光若

鏡見方輿勝覽

卅六英雄負此身昇州何止庾公塵虎須將得臣心異狗

脚稱時朕命屯骹擲渾花驚座右圍開豎尾耀江濱丹陽

大有裴回志付與它年照鏡人

清涼寺是舊朝班睥睨中原夕照間邊佛子持專闔節耿

先生縮望仙鬟霓裳椒殿雲千片羅韞香階月一彎白首

江南徐騎省可堪重弔樂官山

真人一劍決雲開萬里名王闕下來正統有君居建業元

功無相畫雲臺殘獐夜墮端門血雙鶴春寒火井灰千載

淮清橋畔石淒風湫雨長莓苔明史藁黃觀妻翁氏投淮清橋下死嘔血石上成小

影陰雨則見

文物留都自儼然君臣春夢共纏綿登壇張燕由羣盜入

省盧攜本賸員膩粉傾來化芳草彩雲散後即寒烟蔣侯

小妹青溪上葉落風吹又幾年

花首攜琴歌為吳慈鶴上舍作

銅鉦挂樹高一丈五色靈禽爭集掌仙人凝睇露華鬢咳

唾隨風衆山響吳郎襟裾佩飛霞四百峯頭結遐想採芝

更哀號鍾琴攀陞不搯靈壽杖絮雲一片如鶴飛鐵橋斗
落層城低百畝榕陰巡瘖虎千尋桑葢鳴天雞卻指一峯
最奇絕巨石齒齒摩冠筭龍伯斫斷蓬萊股月戶琢就廣
寒梯旁岩拂石彈再鼓匹練卷空飛白雨成連一去葛洪
老千載空山逸韻補蝦須四赤應潮來蜨翅雙輪拂林翠
按節鳴淙瀉石樓停弦海霧冥銅柱野人散髮不記年指
君大似蘇斜川石室琴牀蝕苔蘚摩抄重把鸞鳳鞭一聲
清嘯戛林樾松花亂落丹砂泉兩山風雨合離意七條冰
玉斷續弦錦囊帶得烟嵐重龍德雅音未堪諷大弦篋箒
激深叢么弦鍾乳鳴古洞我有幽懷更激揚欲攜鐵笛吹

三弄矯首鵝城萬疊雲窗前月小梅花凍

長句贈周二

濟

北上并寄懷毘陵張

與權

李兆洛周

儀暉

涇包

世臣

靈壁高

蟠石

諸子

銅官山下一年少嗜古急若追亡逋積書五笥恣探討
嬾將盡癡龍珠刀礮石錯學精好出遊翰墨交鴻儒尋章
摘句非素志發策決科寧異趨一入風簾然官燭孤羆據
座驚睚眦得人競夸龍虎榜侍郎朝服賓興俱光榮嘖嘖
羨鄉國聲譽鬱鬱馳上都嗟余弱冠綴文筆幹才自笑鑽
堅瓠鏤心織辭赴小技寶山旣失淘金麩生年三十未聞
道聽瑩志枯渾忘吾包張二人乃不鄙狂狷一得爲嘯枯

險巖抵欺身躡踵米鹽瑣屑口囁嚅聯座捫心偶感激攤
書仰屋常嘻吁君從二子得稱說觸熱顧我禪襟濡鍾山
濕雲壓書幌白門細柳圍酒壚翦燭悲歌斫地劍振衣長
嘯彎天弧賢豪聚首不易得一伸眉宇憐須臾李生粹然
玉界尺伯恬晉卿清而癯靈壁高生尤忼爽縱橫智畧通
陰符別來低顏向流輩齷齪肺肝非丈夫獍飈攪地驚羣
鳧孤篷歷亂雲滿湖此時瑟縮茅檐底蹙然子復臨荒塗
相共聞雞蹴被起相從解佩提壺沽城西沈徐皆好事酒
酣爲我熬淳母醉墨淋漓志良會驪歌揮手迷平蕪看君
袞袞黃塵蹋一第得失與人殊要知對策上金馬終勝抱
璞藏菰蘆况逢聖道張天網尤企國士恢 皇圖古今參
互有良法先後施設須成模讀書努力斬不逮何至發篋
遭胡盧惜哉包生經駁放羈留到處如賈胡張公酸寒飢
欲死登山孰可庚癸呼望君著鞭語同志惟驂有靳翔雲
衢我今伏處空矯首明星歷歷天上榆幸有數子滯鄉里
考憲問業砭其愚方名教兒畧記憶菽水奉母稍歡娛百
王陳迹發光怪菁華斟酌抒奇觚雲龍追逐相上下此樂
亦足忘歲徂嗚呼此樂誠難量一瓢一簞何能無

冬日

閒庭葉落鳥能銜黃獨苗空倚藥鑿賒酒未來先滌器賣

書難捨更開函
絲絲芳草懷長道
落落寒松對古巖
已把案頭殘藁定
一盂豆粥解清饑

小除夕

何必天涯戚蓬門
亦自憐驚心過歎
歲搔首奈明年
釘座無乾豆看囊
僅幼錢親朋頻責望
不覺受恩偏

不忘梅花約明朝
指翠岑貧難耽雅致
愁亦破長吟此夕
窮簷恨平時廣廈
心背人清鏡攬衰白
莫相侵

守歲歌

一年光景今宵多
百念暫息如澄波
莫嫌壁立少家具
圖史左右堪摩抄
厨烟不取勞薪爨
鏗然盆盎皆刮磨
芋魁

糲羹勸一飽瘦妻稍得開
雙蛾斗酒鄙人自勞苦
盡醉豈必金叵羅
諒無宿飯街衢棄
分歲共祝蠲微痾
小兒權得消夜果
桃符戲縛來驅儼
鑪煨楮促團座
袖薄出手輕寒呵
貧家清寂固可念
高門鬧若蠶歸窠
手握六觚身障鹿
蠟淚滿浥銀葉荷
又有長鬢大腹賈
責臺難避刀置鞞
更憐窮氓當此夕
飢腸沸潰如盤渦
今年淫霖蛙蝮鬥
大畦汜移餘把禾
私家稱貸了無策
何況悍吏勤催科
叫喚捩枕鬣破毒
手雞肋爭投梭
瓦燈一星熒敗屋
乾嘔濕哭雙滂沱
金錢載車亦小惠
坐眠疾苦將如何
書生自笑每過慮
暑空稊米同么膺
華年不追蛇赴壑
來日大難馬

注坡平生志業呼負負窮愁鬢髮常恐皤有時雄心思一
擲氣吞赤岸鞭蛟鼉疎狂自計同散木亦復雅頌工研摩
有懷僅可縈夢寐出口恐致流俗訶更聞雞聲催膈膊仰
見斗柄低庭柯人生通塞固有命糶盆扣杖聊高歌

元夕懷公車諸子

燒鐙時節落梅風初碾香車草一叢詞客年華如月滿美
人眉黛與春融頌來嘉樹南中橘思入離弦北鄉鴻自笑
窗間一經老短檠還有素心同

送徐大

頌北上

珊瑚彩筆點青春風引鞭絲卷麴塵一第名休競龍虎萬
言策要究天人自傷卑賤無投足只望交遊早致身舉舉
江南充賦子五經誰得似紛綸

雜感

自覺歡悰少濠梁趣莫同春移花影外夢斷雨聲中命轉
艱難惜詩寧愁苦工山雲蒼莽態矯首愧長空
不聽鶯聲急那知春去來孤蟾窺燭短遊蝶報花開接物
言休墜期身志莫回靜中聊鼓舞何用問黔雷

徐大

頌

李四

兆洛

周二

濟

俱登第詩以志喜并簡黃

大成

一紙傳來千佛名摩挲眼向故人明魚當燒尾知甘苦豹

若留皮定重輕幾爲放春悲去景也從呼且快先鳴鐙花

細剔澆杯酒莫聽檐前滴雨聲

吳中首夏
苦雨傷麥

題襟往日共圍鐙齷齪容顏只自憎一第粗如償折券千

秋還與壯行滕從知書史窮堪慰轉使妻孥愧莫憑老大

便爲貢公喜齒牙勝否啗紅綾

黃來語云知績學汲古者
亦不盡斥於有司貢公之

喜可
知也

和徐頴述懷

彼美偃王孫弱年富文史逸翮不可鍛高歌竊自喜湮壘
牯塵堞激昂露風旨苦言砭心脾林表戛清徵上謂通經
術卿相任器使下云工簡畢稷嗣稱髦士春秋幾三十志

拇限尺咫醜怪疊嘲弄神明紛苾虜繒布不知異紉縫那

得理我亦蹇屯人蒼芒感無牙道遠斷捷足天高乏近耳

陶甄任大化何容別醜美鬱鬱春木芑潛蒼未坼紫豈怨

雨露偏託根絲歲祀鮮鮮橘中蠹五色凌風裏速化誠得

意捐莖卽枯死微言肖翹物古人可徵矣潛夫論何高浮

沈終州里元叔賦窮鳥良璞疇剖視彼皆擅健筆哆口如

流水空抱凌雲氣仕版不得齒吾黨際文明遇合豈預擬

幸處都會閒師友晤言邇衣食謂頗艱肉格猶求市但尋

唐述穴莫問延恩甌苦心求愉快雅量消傾否秋柏實易

化豫章生難指胡用自抑塞多憂損繁祉憐君早孤露四

時撫髹几賢兄學早成切劘求實是人推大小馮所造孰
能訾今年登上第門戶固可恃汲汲又奚爲稽古幸餘晷
適符豹隱霧寧謂鸞棲枳婚宦情所縈室家道伊始錦水
有雙鴛澹沱逐芳芷蹇修召不易寧戚嘗有以坦腹已便
便畫眉終爾爾春蠶絲自纏學人貴克己如我始欲愁才
薄日循鄙苑同下體葑塊若道旁李苦辛作家督日昃爨
烟起依人是良謀讀書乃餘技尚願砭其頑千秋一翹企
汲古尠長綆用世僅尺筆與子共勵志同調出綠綺作詩
以止怒煩詞媿滿紙

無題

問字鐫瓊佩差年記玉筐香桃編骨瘦錦瑟等身長火鳳
工含蕊冰蠶輟報章剪霞開祿飾寫月鬥新妝薄怒持殘
夢微波送夕陽背人猶照鏡窺客怕鳴璫自約鮮卑帶誰
牽叱撥韁鵠文花片落燕尾柳絲將注眼釵頭鳳圍肩被
角鴛九枝燈錯落百子帳迷藏別緒封書密要盟射覆詳
蜃窗虛菌閣寶玦悶蓮房幾歲金魚澀中宵玉馬涼去同
曹吉利歸卽杜蘭香本不勝羅袂從知理繡牀橫陳襟卹
削小立視相羊媚蜨栖裙色神蛾咽燭光露眞孤桂樹日
但宿樽桑緊繫芙蓉袂濃煎荳蔻湯葉君還一合太白永
相望想像褰帷笑遲回撫枕傷蘅蕪通武帝雲雨隔襄王

石闕真銜嗑車輪獨轉腸鸞迴驚隻翠列憶重行步爲
侵階細娥緣接席揚璧偕雍伯奉歌逐女夷颺紺唾應留
看珠塵幾得量共熏銀鉛匣憑斂木倉琅往迹春駘盪遺
淙水混芒寧闌卻非室只限莫愁堂霧擁同心髻風搖四
角囊紅綃千點淚好貯女兒箱

幼學堂詩稿

乙丑夏至
丙寅冬至

懷人詩十二首

并序

吳縣沈欽韓 文起

客授無憍頗憶良會述其軫迹綴以小詩抽毫命辭如
接歡笑

吳郎定省青油幕著述牛腰好自隨春到羅浮剛一半海
棠花下合題詩

吳上舍慈鶴

周郎年少通經史三爵風流更憶渠看盡豐臺紅芍藥挑
燈應艸萬言書

周進士濟

張公早歎鬢毛秋三篋亡書矻矻搜載酒鴛湖休弔古畫

闌煙雨供清愁

張茂才與權

雲中走馬昔年豪多病詩篇手自鈔寄語傷春杜書記秋

高能賦廣陵濤

彭上舍兆蓀

吾家昭畧箸狂名勝侶相逢眼亦青誰念林勲求本政竹

西歌吹貢茶亭

家上舍培

符離睢上有高生鬱鬱胸中富五兵想共淮陽輕俠客對

牀風雨聽雞鳴

高茂才蟠石

庾詞謔浪千文虎掌故臚陳五總龜三婦艷休傳好句四

先生可緝遺詩

謂嘉定四先生顧方為山長

顧明經日新

安生高議石渠中偶向吳門作厲公欲把清愁懣仙佛紫

姑小語燭花紅

熊員外方受

張祐新詩近若何陽關飛雪暮鳴駝鴛機夢冷黃紬被吹

迓羌渾敕勒歌

張明府若采

年年下第奈貧辛只少常何作主人四十又將金鹿悼二

毛蕭瑟帝京塵

宋上舍璣

名士槐街集似蠅周生藹鬱齒如冰懷中換得阿房賦誰

是當年吳武陵

周孝廉儀暉

讀書萬卷解連環自愧虛名月旦閒他日子雲亭下立可

能容我作君山

李進士兆浴

漢紀

警蹕聲清事莫追，雄風猶憶射蛟時。
虎符急爲金隄發，豹尾虛將玉輦隨。
誰卒夜聞立服入，山君歲見赤囊馳。
賢良寂寞鷹鷂志，只有安昌作帝師。

立秋前三日偕陳都督

大用

熊儀部

方受

倪茂才

稻

孫陸上舍

鎔

詣海會禪院禮佛，倪先有作繼和奉

呈諸公并臬堂上人

雲族移遠山，風籟遶深樹。
疎雨橫江來，新秋淒暗度。
徑滋落蘚痕，龕儼金膏炷。
靈香醒慧根，妙色空諸趣。
暫駐方長思，久渴益深慕。
良會及茲辰，脫畧形骸故。
共將精懇誓，冀挽陶鈞誤。
念彼淮壩民，水厄等沙數。
濁浪涌腥涎，墟里結

苦霧吏治愧流亡，佛力拔沈痼。
聖賢道不遠，悲憫心有素。
我生一靜觀，浮世資善護。
蠶衙棊局殘，蟬翳槐陰暮。
談塵聊自恣，粥鼓且小住。
碧玉洗流泉，紅衣怯清露。
翛然綠天中，呈佛得新句。

宿海會復得長句

諸天香雲散，曉暝虛堂僧。
定鐙火昏徒，歌杳發孤榜。
青燐啖啖歸荒村，鴉翻人影戛。
林樾鼠窺佛座，鏗瓶益月斜。
磨鎌界屋角，雨足滴乳沿。
松根壁間龍象吐，光采牙鬚磔。
裂驚心魂，頗疑石幢幡影。
颭散花一捻長，叉痕紵衣感。
秋覺痒，瘰鱸香達曙。
猶温磨吟蟲孤，迴夢境切法鼓。
闐溢潮

音奔繩床一宿亦前定方寸暫息波流渾眼中宗雷皆俊
侶團坐共把無生論各縈俗累不可駐何時結社開雲門
扁舟江漲垂柳礙芒屨逕滑叢篁捫袈裟香染應滿裊刹
竿回望迷朝瞰

立秋日題

閨已孤根厄秋應一葉知客愁添皓月蟲語入新詩碧樹
清多警銀河淡可思懸知明鏡裏換綠到雙眉
尊酒憑誰慰清吟只自愁吳山當落日碧海抹新秋病蟻
思芳草斑駁遠畫樓西風休太急未辨木棉裘

調王渭

曾當鏡檻畫長蛾零亂花陰夜蹋歌到得捲簾空悵望鴛
鴦瓦冷瀉金波

桃鬢柳圈送春過百丈游絲未算多悔不乘躑歸碧海冰
綃相對弄金梭

搖漾低光映水荷繞廊小喜莫誰何不須掉磬嫌鸚鵡自
惜涼風透薄羅

煙生瑤草月侵蘿本是犍爲雙左娥偷傍細君量曼淥可
憐寶鏡日三摩

新秋沈上舍招同熊介茲員外郭曉泉太史胡元謹
袁又愷徐季雅諸人集虎邱野芳浜分體得五十

韻

蟲語明妝閣簫聲引畫船騎秋綿雨潤抹曉絮雲妍熟敲
承槽瀉文鴛對渚眠兩鬟花市裏雙槳柳塘邊晴日陪高
會鴻文憶昔賢獠奴馳折簡佳客做華筵竹箭南州箸圭
璋上國傳論才皆繡虎講學或銜鱸此地推羅綺清時沸
管弦蘭馨含液醉蜨軟舞風顛聊浪多菁服由敖必盛鬢
賈人銜肴榻姪女數金錢雜沓王珣笑風流顧越專吾宗
追勝賞諸彥續前緣落蕊筠簾卷游絲彩纜牽瓜粲徵逸
事茗盃門新聯篋舫分曹泛芒屨幾鞞穿美人愁去燕老
衲語鳴蟬石骨涵金氣松梢散玉烟洗苔捫古刻吹葉打

寒泉白傅祠堂近何求精舍連蝦須紅灼灼鳳尾綠娟娟
應有花間伎同參海上仙蜃窗眉掠鏡紈扇額低鈿駐櫂
菰蒲淨攜籃茉莉鮮意隨流水遠吟向夕陽前林複嚶山
鳥谿迴翻野蓮縹瓷圍客座白紵集涼天袂舉歌塵合波
翻髻影偏彊環大垂手犀撥小比肩已接車公雅猶思定
子憐呼來行苒苒唱出態嬛嬛香霧迷三里華鬢現四禪
玉瓏玲細響珠絡索輕纏急醖腸應轉繁鐙心共煎鮫綃
休織字雁柱莫稱年襲體條颺悄回頭桂月懸興酣誰作
達飲罷獨茫然曲檻桃笙冷疎籬豆莢蕙螢囊承露重龜
網漏星圓烏鵲栖驚樹魚龍嘯涌川難將懷夢草一試衍

波濺氣似霜鐘覺音隨布鼓捐束薪歸仰屋端冊坐移瓊
挾術嗟文摯蒙讒戒正先良宵誠繾綣壯歲但迤邐契慕
苔岑結鞵憂萍梗遷隕唐康老帽感激祖生鞭二等金釭
列通中寶枕鐫井梧終夜緊銀漢耿潺湲

詠鳳仙花為黃孝廉題畫

桐花落後試香天省識羅浮五色仙泥露青鸞紈扇底舞
風赤鳳彩袞邊拈來釵樣雙鬟並染得脂痕一捻妍寫向
毫端多綽約小名錄上卻須箋

和黃孝廉食西瓜

唐蒙遠徼得蒟醬張騫絕域求胡桃回紇瓜品出最晚穹

隆有夢懷老饕

拾遺記敦煌獻異瓜名穹隆長三尺疑卽今之哈密瓜也

女夷乞得寶

甕露冰谷瑩此寒瓊膏平川胡嶠驚甘冷陰山洪皓蠲勝
臊燕王怒擲黍髮几信國笑拔金佩刀當年八普容狐穴
卽今哈密想猶嘈龍蹄虎掌入中國陽溪塘口連平臯子
母鉤帶距眇陌蒂鼻蔭藟挽桔槔勢家薦新惠波齧覆棚
沃糞寧辭勞神農赤鞭炎官繖足僵夸父頭焦鼈此時高
軒押銀蒜碎金搖竹聲騷騷涼魚不吐冷蛇握羽扇遞拂
風輪操翠翹調冰圍玉盃碧筍吸酒浮金舳猶嫌熱中無
可解御蟬蒲鴿呼偏膾紅馬腦从井華澆黃水晶更餽霜
淘却嗤拾皮老羆陋還夸戰子諸錢豪交牀飽啗一摩腹

滿花席滑生秋濤書生眉蹙打頭屋歎蒸偏側何能逃崇
儼只少百錢致到搗翻思對案遭新秋纔借獻苜蓿渴羌
真類斟蒲萄舌交鼻選鳴得意天漿滿挹神槃牢肝膽輪
困向俗物口腹嗜好寧吾曹常羨服間身縹緲每嗟鄭灼
心煎熬朱陵颺車隔風浪青門芒屨深蓬蒿題詩庭樹忽
幡纏匏瓜星接明河高

過南屏訪小顛上人用張苜塘明府僧字韻

一徑烟霏卧古藤綠天風勁透衣稜石排地券添新鬼鳥
喚岩扃識醉僧透隙簾光湖激灑破空屋籟壑峻嶒歸舟
卻趁鐘聲晚遥指西冷橋畔鐙

岳鄂王墓

黃柑夜半閃青燐齒及慈闈骨已塵膝禱也思施義士鉛
笏終諱賈宜人金錨淚盡紅旗杳鐵簡苔封墨詔新直待
營齋天姥嶺九原忠義鬱難伸

林處士廬

巢居閣外四山青梅葉橫窗列素屏秋壯水仙迎短櫂夜
寒山鬼語空庭松門露滴月痕小竹院風來鶴夢醒猶有
逍遙潘處士醉竟想共折芳馨

臨水里謁錢武肅王祠

錦衣玉帶識英雄還爾河山廟貌崇古寺烟消芝草綠平

池日映藕花紅開門節度牙旗壯異姓真王鐵券空想像
神遊歸故里八都兵擁肅靈風

葛嶺訪抱朴子墓

風月先誰主湖山老此仙鐘聲一嶺界草色四橋連幽鳥
鳴初日長松落古泉稽留峯在望笑拍遠遊肩

舟中不寐

欹枕不成寐露華篷背多暗蛩急如雨殘月冷於波鳥影
搖疎柳蛛絲卷敗荷荒灣橫釣艇猶有未收簑

自葛嶺至靈隱

身在烟嵐中探竒無定向日烘草木香雲宿林巒漲坡陀
迤九里突兀飛一嶂梵唄出岵堯湖光挹溶漾石氣逼天
寒泉脈通海壯髻聳寶蓮華峯開錦步障高松摩石稜怒
作之而狀古洞滴乳垂雜樹落花颺嵌空漏夕陽激籟鳴
細浪開堂憶理公題厓嗤賈相夢遊神所契戀著情猶快
老猿呼不膺歸路牧童唱

下飛來峯入上天竺

峭蒨紛送眼山外天光薄五峯白虹遶一道銀河落衣翠
巖腹摩眉寒石齒掠丹梯入普門千步平如削金膏洩乳
竇玉液滋雲脚空色澗松烟幽響墮筍籊蘿屏深不辨側
聽鳥聲樂欲捫郎當嶺潺湲激洞壑山僧狎飢飈石丈拱

靈鶴白衣昔感夢千年煥丹聖長風颯林端法雨灑高閣
汎舟至南屏淨慈小憩雨後過萬峯山房

湖波沐南山杯底綠猶映鐘聲猿破夢塔影魚聚泳古錐
經幢高小市酒簾輕繞廊蹋雲根面檻擊斗柄叢篠罨繩
牀幽花媚石鏡歸鳥挾雨來林表碎珠迸生綃潑墨新洞
房疑妝靚須臾露青巉亭檐懸日正石骨苔痕涼井莖茗
意瀟鼎庵龕更尋湖隱贊可詠堦蘿隄翅鮮畫壁蝸涎盛
我非孫山人鶴田安得請遙望摩厓書霾烟立孤負

登栖霞嶺歷紫雲洞

芒屨逐秋隼山深轉清霽淡綠延嶺明空青嵌潭麗摩天

石插劍俯林寺拖髻厨煙黝蓮龕茶臼繡臺砌巖根孰雕
鎔月窟入陰翳碣窿鵬翼垂豁聞虎牙噬萬片兜羅雲團
風倏委蛻舒嘯敢伸眉平步猶決背綵幡裊餘馨幽篁悶
清唳層陰結芳草涼露泣叢桂窈窕愜心容荏苒傷時歲
立宮臥辟邪弔古一揮涕

牛將軍墓在栖霞

由麴院至毛家埠雨中羨靈隱韜光之勝

蘋花弄谿風清暉愴搖演卻共采菱人煙水試深淺平隄
與山迴極浦隨權轉齋放僧意閒波遠鷗心善攢青石髮
濃繚白雲衣軟江聲浩欲吞天宇脆堪翦屏翳故作劇勝
境阻登踐秋新擁冲襟暝合拒流眄峯低絮自擘湖迴練

已卷坐聞篷背重歸向漁燈辨嘯咏了不閒秀句通苦菴
最憶巢溝鳴石淙新瀉笕

登吳山頂望錢塘江

秋光送曉妝湖山粲眉目白馬聽攢蹄朱鳥瞰俛啄

鳳凰山左

折爲吳山鬢鬢百雉環鱗鱗萬瓦簇房廊駭綠分林岫間青複

紫陽最清闕絕陁步趨起石空捫水紋苔古省墨馥鳴琴
答響泉隱囊對翠幄儼然光音人沸晚謝天福更上大觀
臺江潮奮踈沮初看匹練曳繼驚突騎逐難陀助鼓輪富
媪愁臚腹迴波作勢驕長天歛容肅虛窻撼未已扁舟舞
何速輸與候潮人盪胸洗縮胸天吳忽妖露猶負婆留鏃

可憐謝道清祝江淚一匆跳丸下海門一髮窮孤鶩

題牧石長老詩冊

交蘆罨雨戰秋池折脚鐺煨淡粥遲忍草覺華消不得故
拈半字寫新詩

槌椎結集橐親刪面皺年來齧蚤閒卻悔筆端拋舍利身
雲不擬作寒山

日月鐙中小劫添煙霏香母下書籤甘藷卽是心頭血聊

把人間內熱砭

大茅草王所滴血著地爲甘蔗

墨痕幾費算師心名句身中影事尋誰著好衣禪榻畔可

知蘭若拾花針

冊爲錢生書

周進士濟過訪偕至回真道院就董上舍士錫寓

流連數日別後卻寄

經旬襍被共霜寒玉骨金心向酒闌科第於今風漢少江湖有此俊人難不慙妻子眠龍具聊壯書生跨馬鞍強欲悲歌誰屬和南山木石自同壇

妻三十初度貧甚蔬果不具也壽之以詩

玉梅三九小窻明倚案聊餐骨董羹負擔頻年同祝牧拜牀今日效樊英愁多侵鬢應緣我語好捫心可對卿休出東門傷遠望金光慧業證前生

點來額粉曉妝明百鐻金齋細作羹紅豆芳年看結子青

精晚歲好餐英閒須捉鼻嗤安石困藉伸眉壯仲卿佳句貫花供一笑輒囊多分誤平生

微雪

歸舟一笠冷江邨坐久松明火尚濕挾水亂雲低有影銜樓新月淡無痕清吟白社蘆花被薄醉黃墟竹葉尊要使明年炊餅大翦冰擬更乞寒門陳了翁語見遺山集

初九日雪仍前韻

巷長沽酒遠於邨肩聳山稜擁絮温壓竹天斜新畫稟皴松冪歷舊巢痕宵來六出和花凍霽後雙尖拄頰尊珍重天公成玉戲勝遊何處擬龍門

雪後集紅螺山館示楚僧鐵舟

冬心衰凍瓶春意馳遊艇林表映餘清榮隙延孤罔雲歸
螺峯溼日沒鴨波冷渺懷應頌酒分段堪說餅小軒敞一
弓緇儒促席並靜志虛樂生慧光實相騁杯縈春明夢笠
帶晴川影長爪證前因戒香發遐省元賞愜短塵古歡續
修綆掩書親殘燈欹枕善苦茗何當造茅屋賦詩會芳景

歲暮朱上舍

景光

分金見餉或既之餘報以此詩

豈有從文學鏡詳落毛誰使餓麟驤

餓麟不噬誰為落毛南齊書檀珽語仲

和米欲裁書督司業錢因貰酒償漫啖逐夷衡世味真銜

窶數入名場南山翠色茅簷下回首孤雲黯白傷

李俊民集有代

樂仲和張温甫處督米詩

過周保緒橫塘寓空不值用其見贈詩韵留壁

龍公釀靈霰呵寒一權理隆隆以酒瓮推篷即小市塵尾

自懸窻烏好屋山止牆根幾載窻釘未洗滓應笑戴安

道興盡不逢子緘書玉屑霏情長托短紙我窮端無籍子

憂坐伊始緯未急治生敢云劉仲鄙古人有坊表薄俗多

決圯萬牛挽梁棟蟻穴紛竊擬眉心熨不平黃土猶憂杞

四輪遞相轉香海沸未已頗願荒江濱一日三洗耳短李

更臨風

謂申者庶常

素心幾屈指

竹林七賢圖

正始以後矜風流談柄未絕營糟邱阿瞞治下如束溼俊
人散誕歆綃頭枝官揮袂視腐鼠若士把臂盟馴鷗有時
白眼向天外渺然身世輕神州披圖鬚眉接千載白波青
嶂風颼颼日筵碎金塵尾落酒吸滌淥龍頭浮異苔同岑
悟郢質神交千里命駕求槁梧坐望乾瀟土過此一步良
堪羞天王與手如屠豕枕股一哭純臣休世無英雄奈豎
子差覺日飲爲良謀惜哉過隙或星散懸竿犢鼻非貂裘
享宗輟筆映死淚伯倫舉鍾長垣憂廣陵彈琴顧逝影山
陽聞篴傷徂秋巨源黽勉上啓事安豐齷齪持牙籌重向
黃公壚上過河山綿邈凝清眸新筍成林知後幾山鬼弔
古蒼煙愁天地雖寬多俗物填胷垠曩誰相酬我欲重呼
醉魂迨蘇門長嘯騰潛蚪

鯨鶴二十二韻

已入鮑魚肆那將窮鳥規乘軒原骨鯨投箸莫毛疵雲將
委鱗甲波臣炫羽儀棄存雞肋戀放載蟹匡嬉蜚老辭蒙
吏驂輕駕武夷形全風教舞養到月空窺泣罷矜燒尾腥
聞輟朶頤儼逃槐蟻獵愁逐紙鳶吹頂藉紅絨唾翎嫌白
紵羈添丁懿公好去乙內饗知草草塵羹飢僊僊竹馬騎
驚魂招貫柳戲語祝耘芝腹帛重書版鰓鉤更繳絲未能
歸閬苑且欲誑神祠周傳捐庖日曾門請奧時糞除歸鼠

壤薰沐下瓊枝物化蒼芒測人生感激移鏡鸞傷窈窕蠟
鳳較參差矯首烟霄闊捫心夏槁危祖龍車共臭意忘食
同遺水繞夷亭夢夷亭舊傳吳王進鯨魚處簫深吳市思休忘銜索感
便作九臯期

越國公汪華像并武德四年金字勅歌

隋季板蕩爭羣雄將星夜朗天都峯閉關堪作萬夫長納
土不失千戶封交兵雖屈王雄誕受詐還過李子通紛紛
驅羊發秘識往往逐鹿羅鈿鋒降王執挺推賢智勅自鸞
臺鳳閣至永興書法大雅詞白麻犀軸泥金字河山有誓
已揚塵鳳諾薰香猶可識行臺僕射一何愚翻向山頭望

廷尉新安洞口去朝天正是禽克馘寶年豆子甌中有遺
鏃高雞泊內惟寒烟羣兒相貴一劔埽橫尸獨柳何人憐
祇可折簡從日角封侯有面方如田卽今圖像施亭社畫
師好手應相假裒鄂英姿千載同策勳未得凌煙寫誰與
衰池合雙璧主人好古徵羣雅滿堂悄然懷古心虎嘯龍
吟睇大野樓林樹暗斤江波雄豪已歇韜金戈一州安堵
生靈賴奕葉傳弓子姓多狻猊磨牙感偏側雲煙過眼重
摩抄未鏤石像昭陵記試比錢王鐵券歌

挽徐文學

葵

李邕識面籍當時四十頭顱歎早衰謾說秋墳飄桂子燈

昏一弓鄧魴詩

年年橘榜慰妻孥生尙飢寒死更孤三勺酸文真有識斯人無福老菰蘆

上巳日放舟至光福雨中自錢家礮入石壁

凌晨挹灑氣出郭勝情踊朝霞作態竒日輪未能奉風折一舟輕雨含四山重蔬筍林園香坂菜郵市冗鐘聲摩危幢爨煙突遠隴篔簹與卑枝胷陂陀碎石壅投巢爭飛鳥縮繭羨枯蛹引人雲海闊呀呷畏河漏豈有羣巫來采藥噉高冢岩寒逼魚腥草碧呼龍種歸途辨餘明短筇自孤聳何時廢嘯歌倚篷敗絮擁

立夏後荆谿周進士

濟

偕徐呂諸子放櫓過香谿招

余遊西山

邱壑携琴往江湖載酒同燕低飄葉雨人倚釣絲風豆莢疎籬外松花古寺中預宜排筆研佳處理詩筒
小艇鳧翁逐桑陰又一村疎鐘催客飯幽鳥應僧門筆解先棊響花飛上酒痕三條黃篋束便擬坐雲根

雨中坐靈巖山館

崇巖挾雨氣水木同蕭瑟流泉翼高館宴坐懷真逸稍稍徹空廊娟娟對幽室沿坡茁芳蓀隔巘孕仙朮潛甲戲萍圓羈羽捎花密雲屯未踐峯風動已開帙春歸薇蕨晚人

往綺羅失願言保素心敢期薦華實

自上沙登天平因尋寒山法螺諸勝

谿行隨淺深谷口朝光煖野園礪水通春滋插槿短瓏瓏
迴叢薄燁燁抗池館旌霞引策高好風吹襟散登頓樛枝
摩延緣石淙斷鳴禽不辨林飛煙自橫阪棲情悅坐忘遊
目戒行緩秀嶂分丹梯曲廊勞翠嶺喬柯隱映深清泉津
注遠鶴益憶隱淪荷衣對燕婉臺基一匹古峯景半規晚
因樹可託宇沉冥結誠欵

登天池頂日暮越嶺至澗上

夙聞天池竒勝踐抗懷肇濃陰挹石滋空翠與天杳林復
曦景遲澗深夏氣少列翅拱衆岑激籟迴清沼樓觀排丰
容岫壑藏窈窕思立得佳處繕性在塵表遺迹滄棲雲幽
韻答歸鳥蒼蒼溯邗樹繆繆聆巖篠逍遙洛下吟露華接
煙杪

舟宿虎邱山谿侵晨惕禪房因歷諸家園亭

一宿谿山深清夢魚鳥狎言尋恭子詩尙憶生公法芳草
闕鈿函澄潭澀劔匣林飈吹井華援露秀煙甲高檐排闥
重嘉樹占巖狹市聲據槁忘佛香憑襟洽山堂開新眺雲
棟麗別業絲柳鏡洲垂帶蘿錦石壓青瑣暗藏蟾綠漣煖
睡鴨栖薄緬通隱陸沈嗤承乏終焉指西林鹿車自荷鍾

與保緒璇衡志匡諸子別後臥疾有懷

十日平原共飲醇牽船猶與水仙鄰鷗波夢遠題襟友蕉
雨窻寒擁絮人書斂薑牙圍棊几碁彈巾角坐花裯追歡
卻恨嵐軒晚白飯青芻未厭貧

立秋前二日晚櫂小舟同倪米樓錢鏡之入吾與庵

晤澄谷上人卽事奉寄四首

落日圓於笠野花高過船梵聲迴倦鳥秋氣入鳴蟬綠遍
菴羅地香參蒼荀禪支公高坐冷又仗髻珠傳
暝色四山赴鉤簾雲作波瑟荷含雨遠篔簹竹得風多洗鉢
常呼雀餽燈爲障蛾剝竿門外指隨分唱婆和

水引供分衛疏班放小參桐絲黏舊衲墨瀟灑遙嵐苔埽
花千帚香殘月一龕過溪珍重意林影落甃甃

銀漢直篷背迴橈自撥萍煙鐘招夢鶴露葉舞流螢文字
惟遮眼身心尙繫到蘆中有秋瑟雲水託青冥

蘆中行題倪米樓高山流水圖

倪生才名廿載久摘句新圖在人口舫樓飽啖武昌魚旗
亭醉貫長安酒芳草如煙馬蹄綠澹蕩春風一回首青衫
席帽仍荷鋤赤腳長須共縛帚圖書之外有鳴琴良材張
急多哀音曾御天風奏黃海松聲萬壑雲沈沈倪生得此
如良友孤篷夢雨三秋心蒼波無極與漚狎空山一曲同

猿吟牙曠賞心原勿計畫中聊寓買山志煙墨淋漓列數
圖影塵分別迴初地心源自宋瀑飛湍着色何如霞翦翠
不堪窮士爲題詩菰蘆瑟瑟颯和清淚何山把酒看雲出賸
有生涯作街卒古錦囊空枯鞠通已逐青氈非故物破瓢
歌罷悵深林失鶴詩成怨明月鯁生伎倆盜竽工狂客心
情搗鼓發相从吳市且徘徊老瓦盆中傾濁醅野寺高吟
木客和水邨下釣溪翁來撫琴堪令衆山響臥遊展卷誠
佳哉君今更闢逃愁地水複山重大槐翳住持不用鴉鳩
行善宿能隨蝴蝶戲五龍睡法藉相傳莫問盧公與馬異
米樓蓄一琴甚古後遊楚
失之又自號夢隱菴主

七夕集補蘿吟館分韻得流字送周保緒郡博之官

淮安

吳山洗露氣蟬腹引新秋羅雲低龍網睂月平簾鉤綠蘿
眷遐眄紅葉凝清蕊悲風江介隔疎星河渚流此夕重握
手長年感倚樓好去攀叢桂離思隨浮鷗

七夕後二日同米樓保緒放舟香谿欲別不忍復同
宿牧牛禪舍涼蟾入戶詩思灑然米樓以人間世
分韻得間字

別思菰蒲外煙光林樾間客筇窺竹笑佛髻引雲還咽露
蛩調韻侵河月洗顏糝淘魁芋滑茶注瘦瓢彎一榻苔重

拂中年柳怯攀宵戩猶刻燭秋轉已如環白紵拋璇室黃
麈唱玉關流波深霧閣芳草謝風鬟嬉巧心同罨蟬肥骨
自孱青瑣打頭屋紅樹過江山高浪張鬢怒平蕪側目閒
補蘿吾自急跨馬子應嫻擬檢戩書賣休辭賸稿刪明朝
終判袂煙水隔前灣

題保緒夢遊圖

麈尾拂天風詠罷霓裳碧落空重向瑯嬛尋福地不
應猶作守門童
古梅篩影玉塵飛萬點蒼山弄夕霏爲道金梭無處用
霞只織五銖衣

葯萼有句繡鮫綃琴響那羅蹙怒潮怨殺魚龍盡悲嘯不
知牆角雨鳴蕉

平原千里淡斜陽瑤想瓊思付綠章采得芙蓉誰可贈踏
歌聲斷手搓香

香水流波落月銜狂花一尺積書嚴豈宜高惠迷途又乞
我松風到枕函

樹神彈指出行厨乞食人間較勝無蟻穴關心拋未得神
山且莫逐仙夫

效惆悵詩題江孃玩月圖

刺桐花影壓闌干中帶添綿露脚寒欲祝瓣香修月戶爲

儂莫缺但團樂

碧海青天共綺寮結璘也怯到叢蕉誰家一角鴛鴦瓦已
下珠簾卸翠翹

盼來三五又當頭憶拜香階僅一鈎憑掩織雲憑作雨不
將顏色照西州

腸斷香奩點筆題柳梢猶識翠眉低畫屏無奈尋殘夢金
粟風篩小閣西

過復園作

空色集書幌水風吹葛衣蒼葭偎樹冷立蟻駕過歸殘月
自同夢孤雲何處飛何如茅屋下蘿薜弄煙霏

憇程氏水亭沿厓草萋竟川波綠林曦自澹荷風乍

涼折芰薦觴臨流賦詩秋漸深矣能無悲乎

蛩語送斜暉秋聲到竹扉晚涼揮塵尾清露濕琴衣松子
當階落鳧翁隔水飛憑闌呼策策不覺羨漁磯

程氏昆季出所載書畫共觀犀軸如雲鴉叉展月元

賞遂深古懽斯結因題四韵

研水分桐露屏山抹絮雲座浮三雅碧帙散一鴟芸小印
紅霞帔斜行白練裙明釭排二等更與寫松紋

又出古錢布及厭勝秘戲諸品精鏤識幕蒼華照人

牀下選青階前簸赤想見流蘇拋帳時也

公學堂詩稿 卷七
穿綫隨剛卯垂帷與秘辛
數來工姹女守得耐錢神
爪印分金粟苔紋認玉塵
不應編馬埒雜佩好同陳

玉峯桂樹歌 并序

仲秋下弦偕黃孝廉成遊鹿城之見山堂亭軒敞朗水
木清華引逕蜨黃拍闌魚赤暖翠溢於秋睂穠芬襲乎
芳袖庭中設茗盃剝瓜仁金粟霏霏隨風撲面若柔落
醉人旃檀竟體山則單椒桀立裁十餘匹紺宇栖靈丹
梯選勝峭舊青葱中猶見連卷偃蹇疑馥山幽也日暮
方歸登頓者不言疲流覽者自成謠矣因作桂樹歌

秋陰堅妬端正月萬戶沈沈數圓缺黃綿襖子忽披林烘
蠟蒸檀動芬烈參差樓堞倚晴巒靜女修睂鬪雅潔何年
羣玉一峯飛却與幽人翠幄設苔青礪戶曳煙鬢桂老雲
階儷山骨芳妍直使冶春延蜂鬧蜜脾鶯理舌銅龍鱗甲
碎千枚莫誑下方發黃鐵築脂手自試寒簧萬斛飛空篔
作屑桃笙擬喚小璫英坐久滿身慘香雪衰回應戀夕陽
佳嵐色林光生眼纈阿瑛風流首謾回金粟池邊涼露咽
玉鸞簫名顧仲瑛以配楊鐵厓鐵龍有詩吹迓吳質眠倚樹清歌正愁絕畫
闌添得雨聲多小山招隱團瓢結吾儕聊浪寄高懷稍覺
酸寒遜前哲秋輝澹蕩不可留已見霜容浮喘嶮紙窗燈
暈又薰霰零落天香對誰說

滄浪亭

盆池鳴細浪叢薄搖蒼煙濠梁託幽興風月懷前賢亭榭
強楮挂蓀蕙猶芊綿想像醉長史舞鶴同翩僊高才遭放
廢春夢落漁船鼓櫂出盤閫柳絲拍吟肩菜圃聊覓價諒
非故紙錢遂令泉石勝藉茲觴詠傳惜哉王宣徽一網空
班聯蒼生故非福國脉終已痛四賢一不肖將牢亦太偏
朋黨既反覆紹述乃熾延紛紛置白黑少影窺嬋娟新苔
換春枿宿露洗秋蟬永叔歇高唱蘄王邈荒阡晚霞橫睥
睨修竹舞漪漣溪子遙呼語應破鳧翁眠

九日題僧壁

吹鬢又黃葉秋心奈此辰寒潭破飛鳥老樹颯行人高宴
桓宣武清詩劉太真我來踞龜殼蒼莽看雲新

登高何必卻極目感飛蓬松倚石同色鷹捎林有風雲寒
山自碧鐘晚日猶紅秋稼登場後多慙炙背翁

南唐書李後主有却

文

龍燈行

今年秧馬行焦土老農吁嗟侘子舞鞭龍怒鬣幡葉開雷
轉懽聲飛白雨閒來却學騎茅龍照田墳燭喧兒童剜身
施炷形模具出泥入脂酬龍功東鄰西舍元黃陣迴翔解
角之而迅磊落驪珠高阜驤青熒魚鼈羣星襯健兒赴節

誇身手煜燦蜿蜒枉矢走常山
善變百蹏攢難陀掉尾橫
九畝沸唇鏡吹圍火城投杖一躍疑風腥
笑他骨出黃山
墮博得蠟淚堆珠成買夜參龍原不易
星散便同芻狗棄
鄉里少年且勿喜官拯大斛收羨米君不見淮泗流民鬼
點簿死婦有兒猶擁樹訴飢槌破寺門鼓

程氏園中拒霜花

蓬蓬遠春不可追六幕慘廩愁黔雷拾薪短垣倒藤蔓攤
帙破屋飛塵良欲期碎金早霜鍛更憶麗錦西風裁小園
盤盤玉糝結平池焰焰瓊膏堆料無凡葩作媵伴幾費圓
魄克胚胎草黃石青見絕艷香篆瀾鏡酬清才阿儻揚睂

若有訴颯纏褰袖疑相俛赤城翦霞墜紺唾白潭染露薰
紅腮衰顏乍酣媚善暎渴吻久軋呼新醅流道景光足
老圃顧盼雲物當高臺野田拾穗黃雀臬平原喋血蒼鷹
來悲鳴幾時奠雁戶快意千里馳龍媒自憐局促渺天末
卻共遲暮留江隈貧閨娉婷惜未嫁晚植戍削矜誰鬪寂
寥冬心愜素抱爛漫春色嗟陳芟魚驚枯株若斷罟蟲弔
敗葉如故縑夕陽亭亭簷角怯薄寒淅淅衣稜猜山巔水
厓托迹遠逐客棄婦行吟哀最宜皓手搴芳佩莫待白骨
生青苔洞庭華實亦雕飾金槃錯落何時陪

竹林七賢圖

重泉瑩心神精廬埽塵坳刁調激幽簧貞萋墮乾粉嵇阮
龍鸞姿落筆難凡近有如千歲松榮華謝朝槿山王非二
豪饕諍諒無听汙漫若士遊博大真人隱須眉見古淡肝
膽闕孤憤寄愁與埋憂天地誰能蘊虞淵日駕促蕙帳山
靈忿生氣石同巉死淚蟬英拔不須牽犢過浮鼻赴飲吻
一片漢家土澆酒應消墳懷哉風波民細行姑勗謹

獻帝爲山陽公濁鹿城卽是公所居重泉
又逕七賢祠東向十期所謂山陽舊居也

水經注漢

歲暮有感題蕉窻聽雨圖後效黃山谷體

此中瓊冷燈青味細雨簷低落畫叉遠夢空階省離別高
歌春酌數年華衝泥走馬何堪說襍被對牀要足夸今日

枯腸與揆茗襪褫瘠竹向窻斜

野田黃雀行

野田穰搖風黃雀縣披胷枯桑老鷗涎汝躬飛飛入蓬蒿
蓬蒿有迹黏竿招短羽拍拍安所逃不作甕鮓還飼汝搖
鈴小幟連街賭羅家見勿喜少年見勿悲殺機自天發萬
物蠢蠢皆中之黃雀在籠版亦果應道鳳皇不如我

曹生馬

調苦幽州馬客吟平原拱木歲駸駸直須神駿三千匹一
快揮戈斫陣心

家法能傳俶儻姿黃塵跣跋欲何之長安道上看花眼東

野酸寒得意肯

秋海棠

啼痕破粉尙嫣然
蛺蝶羅裙欲化煙
殘月半窗蛩四壁
累儂春夢與纏綿

橋公女觀書

流離世故得佳耦
此福孔明歎不如
却笑曹公銅雀伎
妝成可解讀新書

紅綾

千朶寒雲壓劍光
蛾眉猶帶魏城霜
仙心俠骨無人識
寶鏡常年暗理妝

夜讀眉山集因憶明人有二可笑事一為程篁墩溯

洛蜀之隙循春秋義復九世讐遂痛詆眉山一為

汪道昆自稱才勝相如大言於四川提學副使姜

寶曰秀才蘇軾一字不通公按蜀當寘劣等姜譎

言答之汪殊不覺也篁墩所為殆是笨伯觀道昆

此語渠胸中寧有點墨眉山有知不應奉腹絕倒

乎因戲作長句

排雲老幹撼虬蟬
薛能挪揄到武侯
太赤堪碎太白樓
桑柳州倚柳柳州
玉堂學士紫府吏
磨蝎一生動絳議
丁零牛羊尙追案
九世復讎胡母義
鹿轉丁倒此風競
便質伊

川首豈肯猖狂那復料汪生周孔秀才置何等英靈卓爍
千古姿瓦餅有耳寧不知靦顏簪組號名士肺腸乃遜蘇
佛兒烏臺詩案郤奴子殺人伎倆同四其糴郎寧馨絕可
醜抵几欲竿韓富首汪生若在熙豐際快意相當恣橫噬
罪過祇應合掌稱來生寧識日月字湖州縮舌呼髯仙下
土蟲豸誠可憐

題著花圖

煩惱人間有四蛇身雲一一護袈裟蒲團不用天風埽香
界能分稱意花

一圓忉利市中香鹿女軍持入道塲更乞諸天雨新好拈

來微笑奉燈王

逆風香處證三禪半臂須知錦作纏消得一番紅雨落五
錢弊服諒無緣

醞海羣芳味不醇便將結習傲針神不妨天女常遊戲徧
灑冰床雪被人

題卧雲山莊

披徑暗香度開軒墜葉飛竹侵泉脉潤苔擁石凹肥酌酒
吟昔運焚香杜德機檐前鳥語好爭欲報春歸



